

冷吟仙館詩稿



831038

吟

塵

集

小雲六妹性敏慧喜吟咏曩在閨中時姊妹聯牀擘麩
分韻每至烏嗁月落猶吟哦不休頗以為樂辛亥秋杪
子歸里門南北睽違相憶之情積諸夢魂六妹屢以詩
見寄予亦以詩畲之郵筒往來稍解離悵而未窺全豹
心終憾焉丙辰三月六妹將近年所作寄示並丐予點
定予繙閱再三取徑極高奇意極遠較之從前舊稿另
換一番境界蓋詩學與年俱進矣夫詩者所以言情也
情不至詩必不工六妹素深於情手足之間無微不至
故纏綿愷悌自然流露又得吟村農部為偶昕夕唱隨
冷吟仙館詩稿卷二 吟雲集序 一
伉儷極篤噙香摘豔旖旎風流情至文生詩之所以工
也噫予與六妹別七年矣遙望長安握手未知何日因
將原寄詩本留置坐右另繕一帙畧加潤飾以還之從
此兩晦風瀟互相吟唱踪跡雖遠而兩人心事各相喻
於筆墨之外正不減昔年閨中情景也因敘其顛末如
此咸豐七年二月同懷姊芙江錫璇

吟雲集者太夫人歸太僕後之作也時號小雲太僕以
農曹官京師出守豫章太夫人爲之輔佐中饋縫紉之
餘互相唱和如補衣寄外津門行新婚別諸篇大抵躬
儉節用夙夜警戒相成以道之意也其征衣曲白紵詞
秋夜吟純從古樂府得來述祖德詩則淵懿樸茂宛似
康樂病馬行紀太僕恢復吉州之事與孤舟入蜀驄馬
導輿並讀之可爲太僕明其志表其忠者至於賦李守
戎弔謝忠愍之篇慷慨激昂長於史鑑非有忠貞之義
鬱於胸中其誰能言之得體者乎

冷吟仙館詩稿

卷二

吟雲集序

二

冷吟仙館詩稿卷第二

吟雲集上

贈外子

放衙無一事擁鼻且微吟斜日照虛落長風生遠林幽情白雲冷逸興碧煙深坐久不知倦松花落滿襟

獨立

獨立思何支望望秋山暮西日翳金丸月鉤挂瓊樹微風拂蘿徑蒼煙覆蘭路倦蜨覓所棲栩栩自來去幽景愜心懷晚鐘盪輕霧

冷吟仙館詩稿

卷二吟雲集上

秋夜曲

井梧颯颯墮寒翠海棠蘸露紅香醉鈴杓無聲河漢低斜月一籬雙鶴睡小窗燭短愁夜長錦衾瑤瑟生微涼欲眠不眠坐申旦十二雲屏思斷腸

和外子秋興原韻

西風料峭度疎林亞字闌干長短吟半壁苔衣籠舊句一簾花影拂鳴琴暗蛩唧唧催寒景歸燕依依動客心脩竹月斜窗影澹滿城涼露起秋砧

雨後

石磴竹匡牀茅亭帶草堂雨滋苔色潤煙鎖竹陰涼蟬
翼翳紗薄蜨衣濡粉香燕泥歸有喜補屋趁斜陽

詠燭

倣梁武帝體

光徹巴童歌燄隨越姬舞熱中懷素心人靜淚如雨
春風燭華筵秋雨照妾夢浮煙颺落花紅淚凝香凍

征衣曲

秋風搖落蓮塘冷海棠豔豔泣紅綆莓苔青鎖不開門
月波滿地楸梧影綺窗闌寂宵寒重金刀聲促愁如夢
別來不慣繡鴛鴦綵絲閒閣金泥鳳停鍼不語暗自傷
冷吟仙館詩稿 卷二 吟雲集上 二
寒砧處處敲淒霜征衣欲寄不知處邊塞風高秋夜長
望諸姊書不至以此寄懷

尺素杳無蹤相思兩地同風高薊門肅月落草堂空簾
押秋紋碧窗燈夜蕊紅昨宵猶有夢心事付歸鴻

讀太白詩

偶讀古人詩略知放眼界深仰謫仙才落落引天籟矯
如千乘萬騎排空來膩如紅燈笑睨鴛窗話幻如奇峰
疊出渺無迹清如秋月皎皎青空挂仙才仙才誰敢敵
五龍攫雲爭變態願乞硯池墨汗三五滴使我詞源百

折瀉清快

寒夜寄懷五姊芙江

長夜寒蕭瑟，虛落羣籟寂。夢斷南山阿，殘燈懸素壁。簾靜玉鉤垂，新籜掃積雪。煙霜雜空林，疏星半明滅。鴻飛關塞遙，雲水無消息。相思渺何許，月落遙天白。

寒夜書懷

相思兩行淚，離別古今愁。帳引芙蓉幔，簾垂玳瑁燈。花消閨澹錦，被識溫柔碌。碌長安道塵勞，不自由。

爆竹催年改，寒風欲曙天。怕歌斷腸曲，慵賦送窮篇。夢

冷吟仙館詩稿

卷二

吟雲集上

三

亦長相憶花，應笑獨眠月。明垂手處清瘦似癯仙。

春夜詠雪與外子分韻得南字

博山香冷春夢酣，芳魂喚起迷煙嵐。瑤臺仙子弄玉戲，夜光倒壓雲影涵。六花照眼看不正，錯疑柳絮霏江潭。竹枝凍裂古松折，灞橋未必人能探。玉山千仞削虛白，疏枝百尺封枯藍。六街闐絕霜柝警，酒樓紅隱燈兩三。高歌擊節呼莫醒，與君共醉劇清談。奚奴縛帚當花掃，暗香入席清興含。半珪明月一方枕，梅花和夢飛江南。

清明

滿隄芳草綠迎眸
短蒲繁麥浪浮
惟有柳花閒不得
隨風飛度酒家樓

紙灰是處蜨衣飄
水荇煙花第幾橋
折得一枝楊柳去
縱無離別也魂消

春雨

細雨如絲入望賒
春風顛倒燕橫斜
無端計得農忙候
僮約新成課種花

芍藥

韶華不放井闌空
玉階擬作桃源洞
殿春低亞千層雲
冷吟仙館詩稿

卷二 吟雲集上

四

紅香蘸露花房凍
霞帔明璫思悄然
碧油幢引青絲鞵
酣紅滌粉豔春梢
東風未醒揚州夢

納涼

攜酒花閒醉若何
晚涼人靜綠陰多
螢流遠樹攢星點
燕觸疏簾漾月波
澄碧池中香霧散
蔚藍天半水雲拖
鄰燈隱約穿深竹
兒女巡檐笑語和

七夕寄懷諸姊

黃姑織女會今夕
顧我懷人愁如結
銀灣不流玉露涼
合歡枝上紅香溼
蘭思蕙歎情脈脈
追憶璇閨感疇昔

疇昔秋風金井闌，認綫敲詩玉階立。并刀如水判浮瓜，藕絲宛轉牽飛雪。一朝分手類飄蓬，獨我隨宦長安中。吳山越水渺相隔，飛渡不得心忡忡。

雨夜寄懷于畹芳夫人

城郭雲陰陰，日暮秋水深。庭戶悄無語，落葉鳴前林。知君夜坐獨吟苦，紅燈照壁花初吐。長宵轉側不成眠，珊瑚枕上聽疏雨。

燈花口占

香膩蘭膏暖欲芽，繡幃隱隱篆煙斜。星殘月墮西風裏，冷吟仙館詩稿。

卷二 吟雲集上

五

妒殺離離紅豆花

霧閣雲窗此夜情，缸花幽豔劇分明。東風不管閒開落，書味鄉愁次第生。

作家書

搦管思無窮，凝情倚晚風。望雲心共遠，累月夢難通。燈暈初花碧，箋裁小樣紅。寸心憑尺素，迢遞付征鴻。

擬涉江采芙蓉

秋水鑑空明，芳澤悲離散。節節懷同心，何以致繾綣。采之欲貽誰，所思渺雲漢。同岑感異苔，終古結幽怨。

芙蓉抱幽潔苦心誰鑿賞關山既脩阻江漢復泱泱
菲不可遺佳人隔天壤伫望恆勞勞吟魂任孤往

四時白紵辭

春光融融屬芳樹萬葉千花鬱紅霧空閨寂寥等閒度
柳眼乍青著飛絮朱絲絃促離緒長華年錦瑟思迴腸
苦心化蛾渺然去星星蜨粉飄鶯黃

曲隄香泛芙蓉春菖蒲茸茸聯紫茵海燕呢喃雙剪輕
玉階無聲蘭笑人指寒絃澁發清弄離鸞別鶴新愁重
誰憐賞音世所稀二十三絲飛斷夢

冷吟仙館詩稿

卷二 吟雲集上

六

涼露罪微簾幕溼瓊鉤倒懸月飛入銀漢橫查晴不波
絡緯繚絲夜中急蘭苕杜蘅綠宛宛采之欲遺結心篆
美人胡爲隔巉嶮夢痕無際秋濤卷

清霜撲幃天地迴梅萼含丹芳夢醒短晷易闌朔風警
犀帶鼠裘耐孤冷昏鴉投林斂飛翮寒逼虛窗理刀尺
年年鍼綫悲吳綿擊缺唾壺歌逼側

感事

誰容狂寇渡江來此日長城安在哉河北烽煙連豫晉
津門旗鼓走風雷軍前責狀虛函首闔外專征釀禍胎

事縱難爲應竭力如何棄甲效于思

春夜別

玉階宵露寒微風動蘭葉採之欲遺誰明月落城堞旋
影入空閨獨背花枝噉花枝迷不見但見雙禽棲翻身
弄花影脈脈愁難醒玉署夜寂寥錦被薰香冷相思復
相望銀漢隔紅牆鳴琴不成調蜜炬搖虛光

偶成

梅花清瘦影差池簾外春寒獨立時欲把新詩教鸚鵡
暮雲回首悵離思

冷吟仙館詩稿

卷二 吟雲集上

七

小火爐溫春酒香紙屏裏壁讀書堂梅花夢斷江南信
不爲春愁也斷腸

去年今日小窗西刻燭分箋共品題今日春風何處語
滿庭殘雪暝禽噉

春游

楊柳風和鳥自噉小桃紅隱板橋西一犁疏雨香泥潤
半郭青山夕照低別墅重過鶯久待舊巢新補燕雙棲
歸來更擬花前醉合有新詩就竹題

擬古

我欲摘紅豆未摘心先碎回首采蘭葉縮作同心帶緩
步下階墀雙鬢愁花礙灼灼連理枝明媚抑可愛感此
悵所思俯首聽虛籟風竹引夜涼石泉漲濃黛白雲自
往還室邇人何在攜酒坐待君良辰不可再

雨霽

虛庭新綠潤菴畫樹爲鄰不著塵勞想悠然清靜身竹
欹棲乳燕蓮動上游鱗擬作仙源住何須更問津

和大姊婉洵兼呈五姊芙江

天涯泛泛似沙鷗寄迹塵寰不自由過眼雲煙都是幻
離懷風雨總關愁鴻留泥爪天仍雪燕帶鄉心歲易秋
未必柳橋情有盡蕭蕭蘆荻滿滄洲

衣襟塵染酒痕緇小句重吟繫遠思萬里秋心悲永夜
幾回明月憶前期梧桐雨過琴初潤楊柳風多笛自知
望斷雲天人不見消愁惟賴掌中卮

別後思君又一年無聊情緒總堪憐蠶眠欲吐絲難盡
蜨醉空歸夢未圓遙度園林開繡閣更宜風月滿華筵
詩人合住佳山水嵐影波光屋幾椽

又到中秋月滿樓夢回南浦水悠悠帆移鷓首催蘭棹

簾捲蝦鬚冷玉鉤青鳥信來空寄語黃花吟瘦儘支愁
別離未慣原生小獨坐含思淚暗流

繞砌疏花帶露開滿林風葉卷蒼苔無端萍影隨鷗泛
多少秋光併雁來寫怨書殘龍漉紙焚香溫盡鴨爐灰
何時聚首披離緒重話鄉山醉綠醅

不寐答外子直宿韻

幽幽庭戶靜遙夜起清礎風定香延篆霜寒月滿林不
堪聯別夢何以慰勞心料得宮僚散圍爐獨自吟

胡爲不成寐小別亦魂銷碧月和煙落明星入望遙燈
花愁黯澹風葉冷刁蕭翠袖宵寒重心香午夜燒

夜雪

疑是銀河落太清梅花蒙密鶴無聲衾寒蝶夢尋春懶
樹冷雞棲報曉晴梢柚煨紅愁易盡芭蕉偃綠畫難成
浩然天地都如水不辨中宵月色明

和外子月夜鳴琴

略識琴中趣虛庭撫七絃青天原浩浩明月自娟娟逸
響沈雲表秋心到客邊移情滄海上何處問成連

古意

落日風飄蕭殘雪凍花魄瑟瑟枯桑枝棲鳥歛寒翻明
月照團欒何以憫今夕獨立自詠詩虛幌燈搖碧

與君一揮酒杯酒不復傾長夜弄瑤瑟鄰機相和鳴胸
懷尺素書飛鴻繫遠情白雲渺天末仰視心怛怛
贈妾紫雲囊銜恩不敢忘春華易消歇秋月皎夜光時
序感遷變紈扇悲炎涼何由達積愆北雁已回翔

和外子田家雜興

茅屋四五椽荒畦二三畝種秫亦種杭蒔花並蒔柳好
風入戶來清氣滿虛牖鳥雀下庭除飲啄互飛走白雲
冷吟仙館詩稿卷二吟雲集上
十
歸空山一杯長在手酒酣不盡意高歌落星斗

惆悵

東風初信到惆悵倚樓人易醉非關酒多愁豈爲貧瘦
憐燈下影香鎖囊頭春何事歸期晚簷梅索幾巡

擬庭中有奇樹

神交感索居遙企懷清陰時序多變易芳菲鬱叢林別
離歎修阻情親望苦深寄言憫所思日新勵規箴千里
睽嘉會賞心託素琴

和外子落花原韻

春風一劫散飛花逝水流光感歲華金谷無緣尋墜粉
玉樓有意點輕紗池塘香泛簾波冷楊柳陰多酒旆斜
惆悵夕陽紅欲斷滿林蒼翠亂棲鴉
杜鵑嗁破錦江春月落煙消逝又陳夢尙有時傾白墮
魂將何處託青蘋不禁南浦傷離緒欲向東皇問宿因
紅暈綠苔宵露重空遺香霧罩冰輪

驟雨

黑雲四布低暮天斜風撼樹飛白煙雷聲砰訇雨聲隄
石燕起舞金蛇走晚鐘未動雨忽止娟娟新月天如洗
涼意一庭草木醒花影倒涵三尺水

冷吟仙館詩稿

卷二 吟雲集上

十一

臨鏡詞

雨餘籬豆花亂開簾銜落日雙燕回空階無人月華映
晚妝未就慵開鏡鏡上虬螭蟠鏡底鴛鴦膩試問鏡中
人郎騎歸來未低徊向我語未成笑擘紅蓮恣遊戲

秋夜迴文

涼夜秋簾捲冷夢雲情遠香影花露霏落月照空館
長天共月明瘦影花憐夢廊虛落葉風夜深轉愁重

中秋擬古

滿月照中宵萬里秋皎潔曾照古時歡豈惜今人別銀
漢淡無聲山河明可挹之子乘夜遊畫船簫管咽對此
月長圓波迴路幾折遙憶閨中人杯酒自佳節清暉何
處多望遠長惻惻欲飲不成歡強醉夢君側

寒夜與外子對酌

金尊灩灩生微波對景飛觴歌若何文窗窈窕掩碧波
月明冷占霜天多長松古柏寒娑娑玉宇無塵羣籟寂
花影搖風動蟾魄與君對飲且盡歡千里相思憫今夕

題李守戎

廷揚梅溪殉節圖

冷吟仙館詩稿

卷二 吟雲集上

三

一人畏死全軍墨一時畏死千秋賊畏死心死罔偷生
奇哉偉士死報

國鬚眉豪俠一丈夫龍泉殺賊膽氣粗沙場力盡劫未
盡頸血灑作紅珊瑚君不見子雲美新枉投閣中郎著
書偏事卓古來忠義在臨時一死誰能赴溝壑我望西
延山蒼蒼李君旗鼓何堂堂戰壘雲空土花碧梅溪萬
古聲悲涼

暮春遊

不知春欲暮隨意出城游瞥眼桐花落驚心麥浪浮紅

簫錫市箔青旆酒家樓忽到鶯嗁處濃陰坐久留

和外子春歸

風撼空枝蛺蝶夢搖花旛零亂爲誰招流鶯欲語聲聲慢
遊女行歌步步嬌憐我故鄉雲水闊別人驛路馬蹏遙
夕陽明滅旗亭晚楊柳隄通宛轉橋

暮春詞

亂紅如雨點苔斑門掩飛香冷獸環未識春風春已老
荼蘼花外鳥關關

月樣羅裙自剪裁珍珠簾下獨徘徊春風一去蒼苔冷

冷吟仙館詩稿

卷二 吟雲集上

三

借問辛夷開未開

細譜新詞六律諧落花又觸隔年懷柳絲綰夢春無迹

芳草含情絲上階

壓枝梅子半含酸翦翦菖蒲展翠翰綠潤紅殘香夢杳

吟肩一味識春寒

游子行

游子志四方千里如一室拂衣出門去豈惜生離別腰
闕雙龍鳴奮飛振六翩行色何匆匆焉知吳與越鞭影
向前山馬蹏躡殘月

晚涼卽景

狂風颼颼鄰樹吼倒捲陰雲暗星斗飛電穿戶時一明
欲雨不雨金蛇走涼飈拂襟意蕭爽四達軒窗延月朗
遙空忽聞鴻雁聲清夜夢勞千里想

與外子話舊

俛仰悲今昔勞思苦未伸曉涼侵短夢綿雨阻歸人宦
薄原如寄書多未厭貧碧窗清似水斟酌甕頭春

憶昔

璇閨憶昔垂髫時綺窗日午春夢遲翠屏珠箔悄無語
冷吟仙館詩稿

卷二 吟雲集上

西

流鶯睨皖嗷高枝嗷向枝頭喚夢醒衣香乍煖薰籠冷
妝成緩步臨青瑣纖纖翠袖攀花朵花香滿袖雲鬢溼
雙雙鳳子釵頭立玉釵旖旎入君家鹿車轂轉飛塵沙
日夕抱甕出門汲綠塘自種紅蓮花今年蓮花雙朵紅
蓮房搖曳飄香風綠水縈洄蕩雙漿採蓮歌起蓮塘東
蓮子青青照秋水苦心一點知誰比蓮塘蕭瑟秋風早
翠蓋紅衣水雲繞藕絲鴛夢不勝情香影依依月皎皎

秋夜聽雨聯句

疏雨斷宵拆吟梧桐秋夜涼枕延歸夢遠雲燈引旅愁

長樹溼烏棲冷吟花寒蟲語香竹梢風過處雲清景似

瀟湘吟

明鏡詞

秋水沈沈寒不波折花對影嬌欲歌雲鬢霧鬢妝峩峩
春風半醉朱顏酡嗟哉人事易消磨一日不見華髮多
明鏡明鏡奈老何

不寐

五更仍不寐香裊篆千重不著塵勞想時聞野寺鐘長
風鳴遠籟缺月挂孤松莎草滿庭綠秋花帶露穠

冷吟仙館詩稿

卷二吟雲集上

五

詠鐙

用范靖婦體

金井夕陰落屏帷雲錦張煙煖九微火香分七寶光朱
絃遺素影飛燦燭玉牀清宵共誰語對茲懷感傷
薄暮垂珠箔華燈發夜光輝含金粟穗膏凝蘭桂芳陰
陰鬱情素耿耿結中腸明滅不自持悄坐悲炎涼

卽景

斜日下蘭房風輕雙燕翔月波隨地湧雲影帶秋涼試
酒薄嫌魯論詩初入唐殘荷新雨後馥馥有餘芳

題畫雜詠

濃姿麗華國貴彩傾芳都不作塵世豔還與仙客居牡丹

仙鶴

菡萏賦彼澤戢羽歌在梁肅肅盼儔侶瑟瑟西風涼荷花

鴛鴦

樹集合櫻鳥花開三月春依依桃葉渡啾啾折柳津碧桃

黃鸝

黃花秋獨芳飛鳥還有期感此慕高節載詠南山詩秋菊

山禽

晚涼

冷吟仙館詩稿

卷二吟雲集上

六

草閒庭靜蝶雙飛雨過莓苔繡石扉偶趁晚涼花底坐
自裁荷葉製秋衣

秋思

半窗蕉影晚涼生細草閒花無限情星斗西旋人獨立
秋風吹冷搗衣聲

幔隔秋燈暗不紅半規殘月照簾櫳可憐寂寞文牕裏

玉署風高夢未通

稚子

青門瓜下綠茸茸稚子尋聲捕草蟲忽轉砌坳無覓處

驚飛胡蝶過牆東

遣懷

籬落黃花次第開，清霜殘月冷莓苔。
愁思似繭抽難盡，歸夢如雲斷復來。
無意偶吟偏得句，有懷未遣且銜杯。
短檠獨坐長相憶，況是蕭蕭落木摧。

戍婦詞

天末飛雁高鳴，蜩抱古木涼風動。
卷施井梧墮枯綠，寒衣欲寄將先結。
愁千斛，三歲無尺書歸期未可卜。
郎今戍何處，魂夢徒相逐。
夜深金剪寒孤，燈照幽獨。

冷吟仙館詩稿

卷二 吟雲集上

七

和五姊芙江寄懷韻

堤柳碧絲絲，秋風折幾枝。
碧雲河漢靜，白月露華滋。
江永人千里，燈寒酒一卮。
離懷何處訴，翹望隔年期。
聚散原無定，情絲裊寸心。
飄風吹斷夢，冷月響孤碁。
遠道關河阻，輕舟雲水深。
涼秋無限意，清淚欲沾襟。

秋興

嫩涼初試薄羅衣，漠漠輕煙冷翠微。
雨後花如新浴起，風清蟻似倦遊歸。
蓮吹波影支蓬碧，槐抱秋陰落子肥。
苔徑未容延俗客，倚欄嘯傲掩荆扉。

蒼藤翠葛延荆扉空廊人靜蝙蝠飛昏鴉爭棲比鄰樹
日落捲簾雙燕歸晚風蕭瑟落煙篠目送征鴻心悄悄
桂花著露香滿庭月華伴影伫清曉

秋景

蟲語秋庭淨苔荒人迹稀松花和露落山鳥帶雲飛涼
月斜侵檻西風獨掩扉長天無限意望遠思依依

觀梅

綺窗春影拂春衣鶴共梅花性不違古豔獨標風骨瘦

冷吟仙館詩稿

卷二 吟雲集上

六

寒香都帶雪痕肥巡檐句好花應笑繞屋香多夢有依
遙憶江南誰寄與東風惆悵故人稀

雨窗卽事

洗心絕塵事竟日掩重門風雨猶難測人情更莫論角
聲吹斷夢燈影警愁魂無寐堵頤坐荒雞何處村

閒居

隙地無多手自鋤蒔花柳外更宜蔬心情靜作林泉想
舌本甘回飯粥餘安拙每忘三日事醫愚當讀十年書
無才敢說知希貴只恐人知百不如

賞牡丹同如之二弟科芝三弟作

浴蠶時節晝漏長洛陽花好當階芳花頭葳蕤瀉紅露
峩峩寫出西子妝粉痕香影醉胡蝶天然國色矜花王
翠佩明璫嬌欲語迴風吹亂雲錦裳不愁花開遲祇愁
花謝早但願富貴花長向貧家好月上晶簾香霧寒人
與花魂皆醉到

冷吟仙館詩稿

卷二 吟雲集上

充

壻 林尙辰校

男

光煦敬刊

冷吟仙館詩稿卷第三

吟雲集下

陽湖左錫嘉小雲

將進酒

午庭鳥語驚殘夢珠簾不捲金鉤空酒泉香泛碧筒杯
欲飲不飲無與共停杯獨坐思鬱紆重門深鎖青蘿蕪
夕陽紅過曲欄曲子規花外時相呼烏棲林靜炊煙歇
星河隱隱雲明滅玉驄何處繫垂楊小立空階待明月
雨中卽景

細雨晝厭厭輕羅涼意添荷舒新綠皺茜吐軟紅尖香
冷吟仙館詩稿卷三吟雲集下

泛鷓鴣杓波生翡翠簾小亭閒坐久初地證清嚴

送姚墨卿表妹出都

風沙沙草萋萋欲別未別愁分攜陽關三疊催晨雞車
塵滾滾沒馬蹏窈窕車中人阿儂中表親玉爲肌骨花
爲神體態端好嬌陽春十三就儂織十四學調瑟數載
恆相依一朝遠離別攜手上河梁鬱鬱結中腸何以表
吾誠紈扇明月光以自繡紈扇贈別柳絲長歸期緩馬蹏速征
塵遠去去從此辭相思腸九轉

新秋雨中感作

一雨滌殘暑滿庭秋氣清雲將歸夢冷風爲晚荷晴抱
葉蟬爭響銜蘆雁有聲迷離家萬里碁起客心驚

曉起

曉起攀羅幃獨凭紅欄立黃葉滿庭秋草徑蒼煙溼癡
雲倦不飛雨花嬌欲泣西風關塞遙天末征鴻急

弔天津令謝忠愍公

子澄

儒士能文不能武讀書萬卷却何補孤忠耿耿出書生
毅然殺賊報

君父黃巾倡亂東南來突入津門動鞞鼓謝公儒雅英

冷吟仙館詩稿

卷三

冷吟仙館詩稿

二

風生拔劍揮戈膺獨拊同袍瀝膽思敵愾八千子弟咸
鼓舞策馬當先櫻賊鋒一戰功成保疆土嗟哉一戰功
成保疆土始信讀書儒不腐長城自恃衆心堅豈特區
區五人伍五人爲伍何足數君不見賊勢如狼卒如鼠
驅之不前鞭之侮誰無肝膽空長慚忠義裂眦誓報
國寸心如鐵奮然怒指揮叱咤排空來血戰腥風徧江

渚

龍章鳳藻極哀榮一片丹心昃千古

暮秋

落葉滿庭除秋風繞敝廬鴉翻千點墨雁帶一行書
明月懸高表流雲翳太虛相看了無語歸夢夜何如

補衣答外子見贈原韻

敝衣十載宦長安風骨稜稜儘耐寒
補綴不教襟露肘小窗燈火影團圓

宛轉絲隨連理鍼秋風九月整寒襟
自憐貧也非關病冷煖常懷濟世心

冬日感懷呈外子

亂愁不可埽鬱鬱向誰道悲風動鼓鼙
嚴霜推百草昔冷吟仙館詩稿

卷三

吟雲集下

三

日芙蓉花今日成枯槁身世潛推移
顏色安能保勸君盡杯酒歡樂以爲寶

雪夜

玉塵飄搖風倒吹倏忽樹樹瓊花飛
飛花片片墮江水枯桑衰柳皆芳菲
江水無聲湧銀浪山光直入霄漢上
白浪不翻子午潮山骨不煩黃土葬
故鄉渺何處矚遠增惆悵魚雁杳無迹
終歲勞相望有酒且盡今夕歡酣歌
懷抱容稍放一杯酌封姨一杯醕膝
六楓折空枝墮冷紅竹埽寒煙厭枯
綠遠寺不聞鐘紙窗明畫燭暗香

惹夢入東風笛聲吹落梅花曲

春日雨中感作

雲腳陰陰鬱不開
阿香輾轂動輕雷
苔痕分綠侵衣桁
花影飛香入酒杯
故國無書空悵望
還鄉有夢更裴回
聞賊逼
常州
何時奏凱烽煙靖
卻挽天河洗甲來

春晝

覆階織草綠茸茸
占得春庭地半弓
簾捲午風花氣暖
閒看雙燕蹴飛紅

春思

冷吟仙館詩稿
卷三
吟雲集下
四
春風輕薄吹花去
一宵綠上相思樹
胡蝶雙棲春夢寒
海棠院落迷香霧
有懷不寐心忪忪
滿階樹影浮楸枰
杜鵑子夜嘯更苦
天外故鄉空月明

暮春

滿地黃塵葬落花
春風無日不揚沙
碧陰暗淡天疑夢
青旆翩翻酒許賒
堂宇雙棲將乳燕
官私兩部漸鳴蛙
東皇餞別渾無事
一角斜陽綠樹遮

送外子使津門

網戶深珠簾冷霜
天月地梅花影臘
雪消條風暖將離

花開菱刺短時序易遷改月令傳染彩佩劍鳴珂結蘭
茵阿郎駐馬觀滄海滄海波濤深復深今我擬作滄浪
吟清宵不寐卜元吉起聽漏聲聲轉疾阿儂不慣離別
愁騑牡何遑念家室欲將別緒分明訴萬疊千迴轉無
語忽驚喔喔鳴晨雞一角紅日臨窗西明月杯白玉壺
願君爲我立斯須祝君如此酒香澤滿人口停杯思鬱
紆揮手登雲車秋風以爲期善保千金軀

長晝

涼風扣竹飛晴翠藕塘波蘸紅香醉曲廊斜度竹橋西

冷吟仙館詩稿

卷三

吟雲集下

五

紫藤花下狸奴睡一枰棋局消長晝閒倚琴牀數蓮漏
焚香坐久晚窗深月子玲瓏花影瘦

我所思

雲陰陰兮釀寒風飄飄兮衣單蠟淚垂兮花落蓮漏沈
兮更闌我所思兮不見抱岑寂兮寡懽山糾紛兮修阻
水浩渺兮生瀾懷積愆兮不達仰蒼穹兮長歎

早行卽景

匡牀夢斷一聲雞曉日曛隴路欲迷餅餌香風吹不盡
野人家住麥塍西

破曉

雲影淡如水星光猶在天馬蹏踏殘月鴉陣破寒煙

思親

行行關塞晚去去歎飄蓬親舍白雲遠客愁青嶂叢心
隨千里月夢斷五更風別淚揮難盡殘燈爇不紅

明月店題壁

衝泥投野店瓦燈嵌壁窟草草理行裝荆扉掩明月

舟次寄懷用外子都門留別韻

偏仄蓬窗悶不支殘箋蠹筆促新詩尺書難附魚鱗達

冷吟仙館詩稿

卷三 吟雲集下

六

五兩真愁鷓首遲明月有情憐我瘦青山無語笑人癡
轆轤轉綆隨胸次寒夜溫存賴酒卮

列宿熒熒霜滿天斷鐘敲夢未成眠慈雲在望長相憶
舊雨回思各自憐雙槩劃波搖曉月片帆黏雨裹寒煙
陽春有信憑誰寄古驛梅花又隔年

開到梅花第幾枝星餐水宿負花時故山隱隱思猿鶴
淺瀨粼粼飛鷺鷥一片野風吹鼓角數層殘堞颯旌旗
別離未久愁如海方寸波瀾無盡期

長揖晴空囑雁奴平安兩字漫模糊翠峯歛黛愁難埽

銀海回波淚未枯一路寒山藏斥堠滿船明月坐冰壺
釣絲風裏霏蘆雪好染江村入畫圖

水臆卽景

擁被獨沈吟紅燭結香篆更鼓隔岸搗斗柄西北轉停
橈倚石根波平白沙軟羣山枕流卧野寺孤雲伴水深
鷗夢寒風急雁行斷反側不成眠遙夜意繾綣款乃聞
鄰舟清霜布帆卷

陽春曲

陽春二三月桃李齊芬芳佳人耀朝日顧盼流波光被

冷吟仙館詩稿

卷三

吟雲集下

七

服素與紈舞袖凌虛翔右縈瑯玕佩左懸明月璫纖腰
似楊柳吐氣蘭麝香晨酣宜春風夕飲飛霞觴酒闌抱
影眠騰騰春夢長錦衾覆瑤席寶帳垂流黃玉枕不知
曉落花飛滿牀

至吉安代簡寄諸弟

回首燕雲客路長拚將離別爲誰忙雨欺瘦竹依山牖
香灑梅花點筆牀太息龍媒猶伏櫪可憐燕羽慣違鄉
何時共醉江南月刻燭分箋舊草堂

雲迴南北雁書遲脈脈離愁各自知拂壁青蕪留墨處

漫天紅雨葬花時
謝池春鎖三更夢
孟草恩懷千里思
若問寒窗人靜後
芭蕉新翦夜題詩

萬種離愁聚筆端
幾回下筆幾回看
青雲有路應須曲
素志難伸且耐寒
夢縱相逢愁更結
書因遲答淚空彈
北堂春盎花如櫛
好佩箴鴈問晏安

家書一紙滌煩襟
反覆重看思不禁
楊柳風微春夢淺
桃花水闊客愁深
身如老衲常枯坐
聲似寒蟬慣苦吟
寄語外家諸弟妹
舊盟莫負歲寒心

吉安感懷

冷吟仙館詩稿

卷三

吟雲集下

八

白雲從東來
片片西北翔
遊子嗟遠別
殷殷思

帝鄉羣山何崔嵬
江水悠且長
欲渡不得渡
四顧心徬徨

默坐鬱愁思
起立獨徘徊
庭樹交枝柯
花葉正葳蕤
蕊烏巢其顛
鳴聲何啾啾
春華不努力
風木徒傷悲

翩翩南來雁
飲啄自成行
嗟我同懷人
南北各異鄉
尺素偶可通
形影徒相望
倏忽夢見之
未語涕沾裳
安得如彼鳥
羽翼無分張

孤桐鳴寒風
枝葉減清陰
移根南山阿
鬱鬱少知音
螺

山曲復曲盧水深復深憑高一回首傷我千里心

聞雁

晨星半寥落曉風動木末寒雁忽驚飛四望心忉怛
嗷嗷復南翔翩翩自成行得勢趁高翮誰云道路長

雨牕不寐

宛轉牢愁縛病身思量無計度殘春兩行別淚三條燭
夜雨牀牀思殺人

檐溜排繩斷復連夢回真信夜如年錦衾寒煖誰相問
瘦骨珊珊合自憐

冷吟仙館詩稿

卷三

吟雲集下

和外子喜晴韻

九

旭烏朝馭出煙巒簷溜丁東滴未殘枝上鳥嘯花夢醒
草頭風暖蝶衣乾松篁交蔭園林霽禾黍有秋天地寬
試凭高樓望江國晚來新漲沒前灘

感事

登高望八荒日晦陰雲浮烽火連江湖豈獨行客愁士
夫恥多壘未聞臧乃謀豈無顧榮扇空餘陶侃舟嗟哉
漆室心千載空悠悠

初春遣懷

帳觸思無邊東風又隔年感恩懷寶劍盼信卜金錢黯
淡梨花雨霏微楊柳煙燒殘紅蠟燭斗帳未成眠
悶極掩書坐此心終未閒愁凝青靄外思發白雲閒新
竹隨苔綠殘花帶雨殷空庭人不到鳥語自關關

春色滿天地故鄉人不逢分形千里雁警夢五更鐘親
舍愁雲隔家書和淚封庭花開更落猶自滯行蹤

今日不行樂空懷前日憂春歸賭棋墅夢繞讀書樓病
久慵開鏡裝輕屢典裘人生徒草草漂泊愧閒鷗

雨後雜咏

冷吟仙館詩稿

卷三

吟雲集下

十一

野草閒花薄日烘水光雲影兩融融青山一角飛晴翠
十丈松枝挂斷虹

重簾高揭對清虛山色空濛畫不如昨夜綠畦新着雨
玉盤和露薦春蔬

陌頭桑柘綠初齊煙柳青垂罨畫溪何處飛來雙蛟蝶
東風吹過野塘西

幾竿瘦竹伴清暉水上漪裙袂裋餘閒課花奴築隄界
小塘分水種芙蓉

土膏香迸笋芽攢梅豆青青已帶酸隔座忽驚紅的爍

櫻桃乍薦水晶盤

雨餘絲柳綠如搓粉翅香乾出畫蛾茜草羅裙同一色
曲欄線篆看蝸螺

白荷花

香護閒鷗夢不驚采蓮歸去棹歌輕碧天無際星河淡
渾似西湖墮月明
翠蓋風迴艇子斜香涇爭唱浣溪紗凌波誰翦玲瓏玉
散作橫塘十萬花

七夕雨

冷吟仙館詩稿 卷三 吟雲集下
未渡鵲橋先洗車銀河暗淡晚風斜慣將別後相思淚
散作天涯思婦花

秋夜聽雨

亂愁揮不去樽酒強安排客夢依孤枕歸期間墮釵疏
燈懸素壁涼葉隕空階今雨兼今夕天涯望水涯
排空一夜雨破扇獨驚秋帶緩憐新病情深悔種愁涼
颺舉繡幔華燭照瓊樓遙想汀洲畔蘆花易白頭
羣籟五更寂一聲何處鐘指寒知夜永衣綻耐時縫花
鞞棲香蝶梧飄泣暗蛩挑燈還對鏡蹙蹙損眉峰

卧聽疏疏雨寒更定幾籌爐薰香醞火瑟冷簾經秋蟬
影憐枯鬢蟲聲織亂愁短瓶春尚在薄醉且忘憂

秋夜曲

熒熒星漢霏清霜芸軒華屋接杏梁徘徊明月照曲房
欲眠不眠思斷腸羅幃花簾生微涼明璫翠佩端且莊
頭上翡翠斂不翔足下繡履雙鳳凰身若蘭杜恆芬芳
背燈默坐凝神光夫婿驕貴登明堂出入驃騎排雁行
朝餐十斛雲母漿夜擁歌吹傳飛觴九秋之樂樂未央
醉鄉不識秋夜長

冷吟仙館詩稿

卷三

吟雲集下

七

秋雨

晝雨併宵雨空濛秋氣深庭窪成水國波皺亂花陰空
翠憐疏竹溼煙涵古琴暮雲鴻渺渺萬里故園心

自繪梅鶴

老幹橫斜多屈曲香雪霏霏動寒谷生綃一幅卷春風
天女隨風散珠玉驛使初傳第一枝暗香吹醒莓苔綠
月明無語花無痕野鶴翩翩伴幽獨

寒夜對梅

雲低月黑風沙沙有懷不寐愁如麻長宵冥冥凍柝死

窗燈暗淡差樵紗古梅憐我太岑寂天女哆笑飛瓊花
花思惺忪霜氣白暗香環護生蘋霞雙蛾顰蹙發深想
背花獨立長咨嗟故園梅花三百樹一花不發空杻枒
故園有梅嶺梅坪
皆爲髮賊所毀側身南望復何有蟲沙猿鶴胡爲家
江南失守
久未克復杞人之憂徒戚戚安得猛將回天車今我不
樂花不發瘦影兀兀枝橫斜典釵沽酒拚一醉醉鄉活
潑春正賒

五姊芙江爲其夫袁厚安觀察績懋在閩陣亡作

招魂詩寄示沈慟悽絕令人爲之悲惋

冷吟仙館詩稿

卷三

吟雲集下

三

出戶入戶煒煒無侶寒霜拂衣酸風撼樹一黃雲塞天

鼓角聲悲引領四顧肝腸迸摧二幃幔淒淒兒啼呱呱

殺身報國妻子何辜三孤燈熒熒空房獨守生不爾先

死不爾後四孤兒在懷骸骨未理旣不欲生又何敢死

五長夜悲號大仇未報苦心化石誰爲唁弔六

述祖德詩二首

明哲重道術棲志在雲端旣抱康世姿而不逐頽瀾楚
賢仕無愠鄭卿猛濟寬平仲示國儉夷吾策民安在昔
有明政斯世無曠官濟物惠所及戡亂思其難鴻功播

千載清埃恆仰歎達人緬往哲縻爵愧素餐振藻挾春
華流聲馥秋蘭撫綏蔭江漢

聖心啟巨燿

朱文正公珪荆中丞道範初中丞彭齡迭薦屢奉諭左輔循聲卓著朕所素知

中原昔多故萬姓賴撫字鳴琴百里宰麾鉞九江治皖

北敷仁澤荆南宣韜智

先祖諱輔字杏莊號維行乾隆癸丑進士安徽知縣洵遷湖南

撫巡

皇恩豈已矣經綸昭吏事儉已由道情寬民主惠義文

德孚嘉師鼎勳著彝器君子謝華名歸林棲素志心念

川壑美目倦修途異負高構雲屋臨流泛荷芰逸情捨

冷吟仙館詩稿

卷三 吟雲集下

古

塵慮懋功懷遠致

病馬行

春郊無人見殘瓦枳花藤蔓交綠野迴風吹開宿燒痕

亂草橫坡餘戰馬馬蹏枯折馬尾禿歲歲此邦遭殺戮

塵土猶含戰血腥烽火連雲闕山谷武將降書早訂盟

書生獻策餘痛哭三尺劍懸臣腰光芒直射斗牛高預

防失韜畧誓死如鴻毛父老如堵牆環泣聲如濤使君

且止憐吾曹生民萬億忍將一死拋吁嗟乎自慚讀書

腐未嘗學軍旅登陴四顧淚零雨殘卒東籠不成伍嗟

哉何以壯師侶力薄不敵當計取千金重季諾勇夫肝
膽許深夜然薪搏狼虎奮雷出地屋瓦飛羣醜抱頭竄
如鼠更爲子黎計安撫君不見千鈞獨挽恆耿耿汗血
斑斑棄岡嶺龍種伏櫪弔淒影痒挨破柱腥風冷

擬新婚別

前日新結褵今日遠別離向人不敢語背人牽衣嗚咽
啼願爲紫金鞍隨君出關山願爲白玉鞭引領同戍邊
願爲青絲轡逞君四方志願爲五花馬伴君宿原野功
成卽我棄強死空幃下

冷吟仙館詩稿

卷三

吟雲集下

五

西江罷官命駕將歸外子以案紋囑繪用誌歸思

並次原韻

好向蒲團寄隱身三生石上話前因

外子罷官歸有日矣適見案頭紋結

一老僧狀眉目宛然依石斜坐回顧案左一行木痕云如此歸安且壽兮數字胸無硨磲何須

酒家住溪山別有春戈印乍提憐少子斑衣重舞慰雙
親鹿車有約甘藜藿心似蓮花絕點塵

疑是曇花現法身古琴野鶴結重因鐘聲敲碎一池月

山色常留萬點春坐對晚風憐竹瘦曉分甘露與花親

歸心似水東流急飛騎香飄漠漠塵

哭馨姪

桂焚膏煎一旦休龔生遺誅古今愁重闌空負傳經願
羸博還同築室謀伯道無兒堪痛哭中郎有女愈增憂
丹鉛未竟芳華歇檢點殘篇淚暗流

擬今別離

遙夜念別離宛轉傷懷抱別夢兩悠悠情天漫浩浩徘徊
出庭戶霜月和衣擣戚戚復入幃憂心恆悄悄結髮
義不移恩愛重偕老

辛酉孟冬外子奉會滌生節帥

國藩

札調赴安慶

冷吟仙館詩稿

卷三 吟雲集下

六

大營襄理軍務別後口占

鼙鼓聲聲起戍樓安危從此更增憂驚魂夜落西江水
急浪無心也白頭

密樹陰陰斂夕煙扁舟遙指白雲邊滿江星月悄無語
別有愁心飛上天

擬古別離

送君別兮上河梁懷君歸兮陟高岡寒風淒兮鳴佩璫
木葉黃落兮雁迴翔君胡淹留在他方出兮入兮獨不
見俯仰四顧心彷徨海枯兮石爛感君義兮不忘

寄外

袖懷紈扇感炎涼
宦海茫茫客路長
困馬嘶風懷伯樂
焦桐入爨望中郎
冷泉漱石流清響
古柏參天飽宿霜
留得廬山眞面目
何須搔首問蒼蒼

彈指雙丸不暫留
匡時何必計封侯
宦囊似水蒼生感
客況經秋思婦愁
蘆絮雪花波浩浩
蒲帆雲影夢悠悠
因時自重千金體
莫向西風怨白頭

黃花時節悵分襟
觸緒無端感至今
銀漢流光新月淺
寒山斂翠客愁深
望雲漫譜相思引
彈鋏長悲遊子吟

冷吟仙館詩稿

卷三

吟雲集下

七

野草蔓延誰埽徑
亂離天地幾知音

停雲在望思如麻
風捲長空落晚霞
一片冰心盟皎月
九秋玉骨傲黃花
雁翎迢遞緘雙札
雉堞淒涼隱暮笳
今夕遙遙共杯酒
可憐烽燧滿天涯

不寐

惻惻不成寐
紅爐自煮茶
破窗窺落月
清鏡對幽花
別夢憐孤枕
新愁起暮笳
相思不相見
芳草自天涯

懷遠

登高望入荒
春風結憂慮
關山渺難越
芳草沒行路
曉

角空城煙遠水生黃霧闌夢不知愁隨君遠行成

寒夜

空林秋影淡無痕落木蕭蕭深閉門窗外寒花簾外月
西風庭院又黃昏

一燈相對坐寒更木末風迴夜轉晴漏斷香消歸夢冷
滿城霜月擣衣聲

紅窗月落夜悠悠銀漢無聲淡不流蟲語疏籬花影亂
一分秋助一分愁

雪夜感懷

冷吟仙館詩稿

卷三

吟雲集下

大

破窗風雪夜檠影冷殘紅暎火驚猿鶴邊書滯雁鴻賣
珠憐婢駮沽酒歎囊空歸夢茫無着江天浩渺中

寄遠用外子寄懷韻

酒渴風情異昔年杜鵑嗁喚奈何天擣衣聲碎梨花月
別夢依雲繞枕邊

蕙怨蘭思又一年碧桃香蘸水中天春風莫道不相識
昨夜吟魂到戍邊

綺窗朱戶夜如年露井花寒月滿天一縷愁心化胡蝶
春風吹夢到君邊

等閒春色感華年
新漲連江綠際天
千里月明共惆悵
雁聲飛度白雲邊

對新月

夕煙斂叢竹清影上
迴欄妝鏡未全掩
蛾眉只獨看牆
低銀漢淺簾靜
玉鉤寒千里同相望
清宵夢未安

落花

才開旋落太匆匆
香篆晴絲夕照中
偶墮佛輪消未劫
肯隨羌笛怨東風
魂依倦蝶星星白
血染嗁鶻片片紅
底事留春春不住
錦旛鈴索負深衷

冷吟仙館詩稿

卷三

吟雲集下

元

夾城飛絮逐榆錢
綠意紅情總悵然
香散雀屏餘冷豔
春歸鸞鏡感華年
廿番芳信初如夢
一片離魂欲化煙
賸有空枝漏明月
清光還照玉階前

返魂無術思悠悠
那覓名香聚窟洲
飛白書成難寫怨
踏青歸去更牽愁
酒邊荷鋪埋芳骨
水上湔裙憶舊游
燕燕鶯鶯呼未醒
惺忪斷夢鎖秦樓

送春風雨可憐宵
荏苒芳魂綰綠條
是處柳橋飛白雪
不堪板渚咽紅潮
蕉心疊疊愁空捲
竹淚斑斑恨豈銷
惆悵玉樓人去後
月明聲斷鳳凰簫

長夜遣懷

五更轉側未成眠
礎杵敲愁到枕邊
欲向曉風尋舊夢
半庭香草鎖涼煙

清夢寥寥玉枕斜
卧看殘月下窗紗
離魂欲化相思草
金井偏開夜合花

冷吟仙館詩稿

卷三

吟雲集下

三

文安
董汝觀校
男
光煦敬刊

